

## ٣٥- باب ما جاء في عبادة رسول الله ﷺ - الشمائل المحمدية -

### شريف علي

شريف علي

بسم الله الرحمن الرحيم الحمد لله رب العالمين والصلوة والسلام على اشرف الانبياء والمرسلين نبينا محمد وعليه وصحبه ومن اتبع هداه الى يوم الدين قال الامام الترمذى رحمه الله باب ما جاء في عبادة رسول الله - [00:00:00](#)

صلى الله عليه وسلم قال القاري رحمه الله المراد بالعبادة هنا الزيادة على الواجبات الزيادة على الواجبات. يعني هو لا يتكلم عن الفرائض والواجبات يعني المراد بال العبادة هنا النوافل طيب بسم الله - [00:00:18](#)

فقال قال القاري رحمه الله المراد بالعبادة هنا الزيادة على الواجبات قال عن المغيرة ابن شعبة رضي الله عنه قال صلى رسول الله صلى الله عليه وسلم حتى انتفخت قدماه - [00:00:46](#)

فقيل له اتكلف هذا وقد غفر الله لك ما تقدم من ذنبك وما تأخر فقال قال رسول الله صلى الله عليه وسلم افلا اكون عبدا شكورا وعن أبي هريرة رضي الله عنه - [00:01:03](#)

قال كان رسول الله صلى الله عليه وسلم يصلى حتى ترمي قدماه فقيل له اتفعل هذا وقد جاءك ان الله تعالى قد غفر لك ما تقدم من ذنبك وما تأخر - [00:01:27](#)

قال افلا اكون عبدا شكورا وعن أبي هريرة رضي الله عنه قال كان رسول الله صلى الله عليه وسلم يقوم يصلى حتى تنتفخ قدماه فيقال له يا رسول الله تفعل هذا وقد غفر الله لك ما تقدم من ذنبك وما تأخر - [00:01:44](#)

قال افلا اكون عبدا شكورا فقال فكان رسول الله صلى الله عليه وسلم يقوم حتى تنتفخ قدماه وتتورم من طول قيام الليل سبحان الله يعني تخيل ده تخيل ان النبي عليه الصلاة والسلام كان يصلى صلاة - [00:02:06](#)

طويلة جدا لدرجة ان القدم بتنتفخ يعني لدرجة ان الصحابي مش واحد واحد واثنين وتلاتة وفي حديث عائشة انه ان يشوف اثر القيام على قدم النبي عليه الصلاة والسلام - [00:02:29](#)

كان يقوم حتى تنتفخ قدماه حتى تتورم قدمه من طول قيام الليل فقيل له اتكلف هذا وقد غفر الله لك ما تقدم من ذنبك وما تأخر يعني هي اصلا حاجة - [00:02:51](#)

احنا اللي محتاجين القيام ده عشان الزنوب بتاعتنا احنا عندنا مشاكل وعندينا امراض قلوب وعندينا ذنوب وعندينا كبار آآآ ونرجو ان احنا ربنا سبحانه وتعالى يغفر لنا ويدخلنا الجنة وما بنعملش ده - [00:03:09](#)

والنبي عليه الصلاة والسلام غفر له ما تقدم من ذنبه وما تأخر وكان يصلى الصلاة الطويلة في القيام لدرجة ان الصحابي يشوف رجل النبي وارمه فالصحابة سأوا تتكلف هذا يعني تلزم نفسك بهذه الكلفة والمشقة - [00:03:30](#)

مع ان الله قد غفر لك يعني اللي يعمل المجهود ده واحد عنده زنوب كتير واحد خايف ان ربنا سبحانه وتعالى آآآ يعذبه لان ده معنى السؤال يعني اتكلف هذا؟ يعني لأن الصحابي - [00:03:55](#)

يريد ان يقول لرسول الله صلى الله عليه وسلم يعني انت لا تحتاج الى هذا التكلف يعني انت في غنى عن التكلف ده ان انت تقف صلاة طويلة لحد لما القدم ترم - [00:04:14](#)

فانت مش تحتاج ان انت تلزم نفسك بالمشقة دي كما قال تعالى ليغفر لك الله ما تقدم من ذنبك وما تأخر ويتم نعمته عليك ويهديك

صراطاً مستقيماً. سورة الفتح طيب - 00:04:29

قال ابن بطال رحمة الله في هذا الحديث اخذ الانسان على نفسه بالشدة في العبادة وان اضر ذلك بيده لانه صلى الله عليه وسلم اذا فعل ذلك مع علمه بما سبق له - 00:04:47

فكيف بمن لم يعلم بذلك فضلا عن من لم يعلم انه استحق النار ام لا يعني ابن بطال رحمة الله بيقول بيقول ان في الحديث يستفاد منه ان عادي ان الانسان يشد على على نفسه في العبادة - 00:05:05

يأخذ نفسه بالشدة في العبادة وان اضر ذلك بيده وهيجي دلوقتي ايه كان ابن حجر يوضح ايه المعنى ده لكن ما فيش مشكلة ان انت ايه انت رجل توجعك - 00:05:26

يعني احنا والله احنا عندنا تقدير اه في في الابواب دي يعني اللي مننا مسلا الحمد لله ربنا من عليه وبيلزم القيام او بيصلني نوافل يعني او كده اول لما بنحس بس ايه - 00:05:43

ان رجليها وجعلتني شوية كده خلاص يعني اول لما اجي اصلی كده واول لما تيجي بس اشاره ان رجلي بدأ تو جعني او ان انا بدأ اشعر بالملل او انا كده طولت قوي - 00:06:02

فخلاص كده ايه آآ طولت قوي دي اللي هو يعني حاجة الحاجة اللي هي التطويل بتاعنا يعني فخلاص اقوم على طول ايه اه اخلص بقى الصلاة. يعني احيانا ممكن حد - 00:06:15

مننا ينوي مسلا ان هو بيصلني قيام ولا حاجة فيصلني اول ركعة ويقرأ ومش عارف ايه وبعدين بيجي في الركعة الثانية يقوم يقرأ سورة قصيرة جداً خلاص يعني خلص بقى يعني ايه - 00:06:27

آآ انت قرأت في الركعة الاولى وخلاص فالشاهد يا جماعة ايه ان اذا كان ده النبي عليه الصلاة والسلام لو غفر له ما تقدم من ذنبه وما تأخر بيتكلف التكليف ده - 00:06:40

بيتعجب نفسه صلى الله عليه وسلم يصلني صلاة طويلة حتى تتفطر قدماه فابن مطالب يقول ان اذا كان ده فعل النبي مع علمه بما سبق له يعني هو يعلم آآ صلى الله عليه وسلم بوعي من الله عز وجل - 00:06:56

انه غفر له ما تقدم من ذنبه وما تأخر وهو وهو رسول الله صلى الله عليه وسلم لاعلى درجة في الجنة يعني مش بس هيدخل الجنة لأ ده اعلى درجة - 00:07:19

الوسيلة قال هي آآ يعني منزلة لا تنبغي الا لعبد من عباد الله اعلى درجة في الجنة لا تنبغي الا لعبد من عباد الله وارجو ان اكون انا هو وهو يعلم صلى الله عليه وسلم - 00:07:35

ان هو صاحب هذه المنزلة الوسيلة فازاي مع العلم ده ان انا عارف ان انا في اعلى درجة في الجنة واننا غفرلي ما تقدم من ذنبي وما تأخر. ومع ذلك رسول الله صلى الله عليه وسلم يتبع الى الله عز وجل بهذه العبادة - 00:07:53

بدأت طويلة يعني اكيد في دافع تاني غير ان انا خايف من الزنوب او ان انا عايز انجو من النار او ادخل الجنة فدل النبي عليه الصلاة والسلام هيبينه صلى الله عليه وسلم - 00:08:15

وبعدين ايه عشان ممكن حد يقول طب يعني هو الاصل ان انا اتعامل مع نفسي بالشدة في العبادة امال فين بقى ايه اللي انا اداوم على العمل القليل والكلام ده؟ اللي جه معنا قبل كده - 00:08:33

بشوف هنا كلام ابن حجر بيقول ايه قال قال ابن حجر ومحل ذلك ما اذا لم يفض الى الملل يعني يعني ان انت تصلي صلاة طويلة او ان انت تتبع نفسك في العبادة - 00:08:48

اذا كان ده لا يؤدي الى الملل. الملل اللي هو ايه الملل اللي هو مسلا بتاع ان انا زهقت شوية فلو بس ايه يحتاج ان انا اجاهد نفسي لأ يعني الملل اللي هيدفع الانسان لترك العبادة بالكلية - 00:09:08

لا هنا ساعتها ايه قل له خفف يعني لو الشدة في العبادة هتكون تؤدي الى الملل وترك العبادة لا خلاص ايه يعني يترافق بنفسه. طبعا ده في يا جماعة في في في النوافل - 00:09:25

ماشي فقال ومحل ذلك ما اذا لم يفض الى الملال لان حال النبي صلى الله عليه وسلم كانت اكمل الاحوال فكان لا يمل من عبادة ربه  
وان اضر ذلك ببدنه - 00:09:46

بل صح انه قال وجعلت قرة عيني في الصلاة كما اخرجه النسائي من حديث انس رضي الله عنه فاما غيره صلى الله عليه وسلم فاذنا  
خشى الملل فلا ينبغي له ان يكره نفسه - 00:10:04

وعليه يحمل قوله صلى الله عليه وسلم خذوا من الاعمال ما تطيقون فان الله لا يمل حتى تملوا يبقى انا يبقى انا عارف ان انا اسايس  
نفسى امتنى في وقت معين انا محتاج ان انا - 00:10:22

اه اه يعني انوع في العبادة او ارفعه عن نفسه علشان استعيد النشاط واجدد الهمة في العبادة او لاأنا انا نفسى بتندلع ومحاج ان انا  
ايه محتاج ان انا اجاهد نفسى محتاج ان انا اشد عليها شوية - 00:10:43

فاهمين يا شباب؟ فرد النبي كان ايه؟ لما قالوا يا رسول الله تفعل هذا وقد غفر الله لك ما تقدم من ذنبك وما تأخر قال صلى الله عليه  
وسلم افلا اكون عبدا شكورا - 00:11:03

اي اذا اكرمني الله عز وجل بغفرانه افلا اكون شكورا لاحسانه علي بغفران ذنبي وسائل ما انعم الله به علي؟ يعني اللي انتم بتقولوه  
ده ده سبب يعني ربنا سبحانه وتعالى - 00:11:20

غفر لي ما تقدم من ذنبي وما تأخر فازاي ان انا اقابل اقابل آآآ احسان ربنا سبحانه وتعالى فلابد ان انا آآاجتهد في العبادة اشك  
النعمه دي يعني ربنا يغفر لي - 00:11:37

وانا لا اكون آآشكور فاهمين المعنى ده يعني بيقول اذا اكرمني الله بغفراني افلا اكون شكورا لاحسانه علي بغفران ذنبي  
وسائل ما انعم الله به علي يبقى دى نظرة تانية للعبادة - 00:11:53

ان الانسان يتأمل في النعم فانا بصلی علشان ربنا سبحانه وتعالى اكرمني وانعم علي ووسع علي واعطاني الصحة والعافية ورزقني  
الولد ورزقني الزوجة ورزقني المال فان انا اتأمل في نعم ربنا سبحانه وتعالى الدينية والدنيوية - 00:12:15

فتتأمل انسان في النعم اه يعني يدفع الانسان للعبادة له حباء من الله سبحانه وتعالى يعني ربنا كريم معندي يبقى انا ما اقومش  
اصلی رکعتين ما اقعدش كده ايه اقرأ شوية في المصحف - 00:12:36

ربنا وسع علي ما طلعش صدقة ربنا وسع علي ما تروحش ما روحش اعمل عمرة واحد افلا اكون عبدا شكورا ده شعار المحب يعني  
اللي بيحرب ربنا بيعامل المعاملة دى - 00:12:53

هو شايف النعمة بخلاف اللي بيعامل ايه آآالمعاملة اللي هي آآهات وخد المعاملة اللي هي ايه فيها نوع من الایه الشح شوية  
وبيتعامل مع ربنا زي ما بيعامل مع الناس - 00:13:10

انا اخد الاول اخد وبعدين ايه اشوف ابقي اعبد اعمل بقى العبادة ولا لاألا ده انسان بيتتأمل في النعم. تيجي تقول له آآتيجي تقول  
لو احد مسلا صلی ولا اقف صلی ليه يعني - 00:13:29

يعني ليه ان انا كل شوية اصلی وصلة طويلة واتصدق واطلع اعمل عمرة فهو ايه ينظر للعبادة نظرة ان هو نوع من آآتكليف ثقيل  
اللي هو ايه يعني عايزين نصلي اهو وخلاص صليت - 00:13:45

عايزيني اتحجب خلاص اهو اتحجبت فهو شايف العبادة نوع من ايه؟ حاجة تقيلة ماشي حاجة تقيلة بخلاف العبد الثاني اللي بيحرب  
ربنا وشايف النعمة فهو بالنسبة له ايه ده هو اصلا يعني - 00:14:06

ده ده العبادة اللي هي الزيادة في التوافل الصيام والقيام والصدقة والذكر والعلم والقرآن والكلام ده كله ده انا ده يا سلام ده ده انا  
اعمل ده حب لله سبحانه وتعالى حبا لله عز وجل - 00:14:25

ده ربنا اكرمني وانعم علي. فيبقى انا جزء الاكرام والاحسان ده ان انا اجتهد في العبادة وعند البخاري من حديث عائشة رضي الله  
عنها قال صلى الله عليه وسلم افلا احب - 00:14:41

ان اكون عبدا شكورا قال الحافظ رحمه الله الفاء في قوله افلا اكون للسببية وهي عن محفوظ يعني في شيء يعني اه مقدر هنا

محذوف المعنى ايه؟ المقدر ده الترك تهددي - [00:14:59](#)

فلا اكون عبادا شكورا يعني ده انا لو سبت القيام الطويل ده العبادة دي انا كده مش هبقى من الشاكرين والمعنى ان المغفرة سبب [لكون التهجد شكرا فكيف اتركه فاهمين يا شباب - 00:15:20](#)

وقال القاري شف المعنى ده بقى قال القوي رحمه الله وقيل معناه ليس عبادي لله من خوف الذنوب يعني هم بيقولوا له يا رسول الله طب انت ليه بتصلني الصلاة دي - [00:15:40](#)

اذا كان على الذنب اذا كان على الذنب يعني فانت غفر لك ما تقدم من ذنبك وما تأخر. فايه ايه الداعي يعني فكان هو النبي عليه الصلاة والسلام اراد ان هو يقول ايه؟ ليس عبادي لله من خوف الذنوب - [00:15:55](#)

بل لشكر النعم الكثيرة علي من علام الغيوب وقال ميرك كان المعنى كيف لا اشكره وقد انعم علي وخصني بخير الدارين طيب وبعدين [ذكر بقى معنى الشكور ان هو ايه؟ من ابنية - 00:16:11](#)

المبالغة وقال والشكور صيغة مبالغة دالة على كثرة الشكر قال الازهري رحمه الله الشكور من عباد الله هو الذي يجتهد في شكر ربه بطاعته يعني امتى ان يقال فلان شكور شريف شكور. احمد شكور. احمد - [00:16:31](#)

آآ محمد شكور فلانة شكورة امتى يقال الانسان ده شكور يعني بيجتهد في شكر ربه بالطاعة وادائه ما وظف عليه من عبادته فالشكر [زي ما النووي عليه رحمة الله قال - 00:16:54](#)

قال القاضي الشكر معرفة احسان المحسن اول اول درجة في الشكر ان انت تعرف بالاحسان ان انت تعرف ان الفضل والاحسان من الله سبحانه وتعالى معرفة احسان المحسن والتحدث به - [00:17:16](#)

وسميـت المجازاة على فعل الجميل على فعل الجميل شـكـرا يعني لو واحد لو واحد عمل معك اه فعل جميل فـانت عـلـشـان تـجاـزـي [الـاـنـسـانـ دـهـ بـتـقـولـ لـهـ اـيـهـ شـكـراـ الـوـاـحـدـ اـكـرـمـكـ - 00:17:38](#)

اهـدىـ اليـكـ هـدـيـةـ فـانتـ عـاـيـزـ تـرـدـ الجـمـيلـ دـهـ تـجـازـيـهـ عـلـىـ هـذـاـ الفـعـلـ الجـمـيلـ اوـ هـذـهـ الـكـلـمـةـ الجـمـيـلـةـ فـهـتـقـولـ لـهـ شـكـراـ لـاـنـهـ تـتـضـمـنـ [الـثـنـاءـ عـلـيـهـ وـشـكـرـ الـعـبـدـ اللـهـ تـعـالـىـ شـكـرـ فـيـ حـقـ اللـهـ - 00:17:57](#)

رـقـمـ وـاـحـدـ اـعـتـرـافـهـ بـنـعـمـهـ يـبـقـيـ رـقـمـ وـاـحـدـ فـيـ الشـكـرـ اـيـهـ؟ـ اـنـ اـنـتـ تـعـتـرـفـ بـالـنـعـمـةـ وـثـنـاؤـهـ عـلـيـهـ عـلـىـ الـمـنـعـمـ سـبـحـانـهـ وـتـعـالـىـ وـتـمـامـ [مـواـظـبـتـهـ عـلـىـ طـاعـتـهـ مـشـ اـنـ اـقـولـ الـحـمـدـ لـهـ - 00:18:19](#)

وـاعـتـرـفـ بـالـنـعـمـةـ وـاثـنـيـ عـلـىـ اللـهـ عـزـ وـجـلـ الـحـمـدـ لـهـ وـالـشـكـرـ لـهـ.ـ وـبـعـدـيـنـ اـرـوـحـ اـيـهـ؟ـ اـسـتـعـمـلـ النـعـمـةـ فـيـ الـمـعـصـيـةـ يـبـقـيـ دـهـ مـشـ شـكـرـ [يـبـقـيـ الـمـواـظـبـةـ عـلـىـ الطـاعـةـ مـنـ الشـكـرـ وـاـمـاـ شـكـرـ اللـهـ تـعـالـىـ اـفـعـالـ عـبـادـهـ - 00:18:38](#)

فـمـجـازـاتـهـ اـيـاهـمـ عـلـيـهاـ.ـ يـعـنـيـ الشـكـرـ شـكـرـ اللـهـ سـبـحـانـهـ وـتـعـالـىـ اللـهـ عـبـادـهـ اـنـ هـوـ يـجـازـيـ العـبـدـ عـلـىـ الطـاعـةـ عـلـىـ الـعـمـلـ وـتـضـعـيفـ ثـوـابـهاـ وـثـنـاؤـهـ [بـمـاـ انـعـمـ بـهـ عـلـيـهـمـ فـهـوـ الـمـعـطـيـ وـالـمـثـنـيـ سـبـحـانـهـ وـتـعـالـىـ - 00:19:00](#)

يـعـنـيـ هوـ سـبـحـانـهـ وـتـعـالـىـ اللـيـ اـعـطـىـ النـعـمـةـ وـالـذـيـ وـهـبـ الـاـنـسـانـ النـعـمـةـ.ـ مـنـ غـيـرـ اـسـتـحـقـاقـ يـعـنـيـ اـنـتـ لـاـ تـسـتـحـقـ لـاـ تـسـتـحـقـ النـعـمـةـ اللـيـ [رـبـنـاـ سـبـحـانـهـ وـتـعـالـىـ انـعـمـ عـلـيـكـ بـهـ يـعـنـيـ اـنـتـ نـعـمـةـ اـنـ اـنـتـ الحـمـدـ لـهـ عـلـىـ الـاسـلـامـ وـلـاـ نـعـمـةـ الـصـحـةـ وـالـعـافـيـةـ وـالـسـتـرـ - 00:19:21](#)

وـنـعـمـةـ التـوـفـيقـ لـلـعـبـادـةـ.ـ كـلـ دـيـ نـعـمـ اـيـهـ مـاـ تـقـولـشـ عـلـشـانـ وـالـلـهـ اـيـهـ اـنـمـاـ اوـتـيـتـهـ عـلـىـ عـلـمـ دـهـ عـشـانـ اـنـاـ شـاطـرـ وـعـلـشـانـ اـنـاـ زـكـيـ وـعـلـشـانـ اـنـاـ كـزاـ هوـ الـاـنـسـانـ اـصـلـاـ اـيـهـ - [00:19:41](#)

دـهـ فـضـلـ مـنـ مـنـ اللـهـ سـبـحـانـهـ وـتـعـالـىـ يـعـنـيـ اـنـتـ مـهـماـ مـهـماـ عـمـلـتـ مـهـماـ عـمـلـتـ وـمـهـماـ اـجـتـهـدـتـ دـهـ لـاـ يـكـافـيـ لـاـ يـكـافـيـ النـعـمـ اللـيـ رـبـنـاـ سـبـحـانـهـ وـتـعـالـىـ اـنـعـمـ عـلـيـكـ بـهـ لـاـ يـكـافـيـ الـاجـرـ وـالـثـوابـ الـمـتـرـتبـ عـلـىـ الطـاعـةـ اللـيـ هوـ الـجـنـةـ - [00:19:54](#)

يـعـنـيـ مـهـماـ اـنـتـ بـذـلتـ فـيـ الدـنـيـاـ عـلـىـ الـعـمـلـ بـتـاعـكـ دـهـ لـاـ يـكـافـيـ الـجـنـةـ فـاـهـمـيـنـ مـعـنـيـ دـهـ يـاـ شـبـابـ يـعـنـيـ عـارـفـ اللـيـ بـيـشـتـغلـ فـيـ الدـنـيـاـ هوـ شـغـالـ فـيـ مـثـلاـ فـيـلـاـ مـعـيـنـةـ اوـ مـكـانـ مـعـيـنـ هوـ مـسـتـحـيلـ مـهـماـ اـشـتـغلـ فـيـ الدـنـيـاـ لـوـ قـعـدـ السـتـيـنـ سـنـةـ اللـيـ هوـ هـيـعـيشـهـمـ فـيـ الدـنـيـاـ يـشـتـغلـ [مشـ - 00:20:16](#)

مشـ هـيـعـرفـ يـشـتـريـ مـسـلـاـ فـيـلـاـ فـيـ المـكـانـ الـفـلـانـيـ دـهـ مـتـصـورـ فـيـ الدـنـيـاـ يـعـنـيـ اـنـتـ يـعـنـيـ اـنـاـ لـوـ قـلـتـ لـاـنـسـانـ لـوـ اـنـتـ قـعـدـتـ تـشـتـغلـ

بقيه حياتك مسلا هتعرف مسلا تشتري جزيرة مسلا - 00:20:37

ماشي؟ لو لو كده يعني خلاص ممكنا واحد بيذل عمره كله وما يعرفش يشتري حاجة عربية مسلا من عربيات الدنيا فما بالك الطاعة اللي هي اللي احنا بنعملها اصلا ان هو يسير - 00:20:51

عبادة يعني اه اصلا مشوبة بامراض قلوب عشب ورياء ومن وانى حب لظهور السمعة عبادات اصلا مشوبة وقليلة وما فيش خشوع والانسان يعني بيقصر كمان في العبادة في الواجبات ويقصر في النوافل وعنه ذنوب - 00:21:08

ومع ذلك اذا تاب الانسان ده وربنا سبحانه وتعالى من عليه ورحمه يدخل جنة عرضها السماوات والارض يبقى ده معنى الشكر اهو مش مش اهل الجنة بيقولوا الحمد وقالوا الحمد لله الذي اذهب عننا الحزن - 00:21:37

ان ربنا لغفور شكور الذي احلنا دار المقامات من فضله لا يمسنا فيها نصب ولا يمسنا فيها لغوب يعني احنا دخلنا الجنة عشان ايه عشان شطارتنا يعني عشان احنا عملنا - 00:22:00

وقالوا الحمد لله الذي اذهب عننا الحزن ان ربنا لغفور شكور. احنا دخلنا الجنة عشان هو غفور سبحانه وتعالى. غفر لنا الزلل الذنوب والمعاصي وشكرا لنا اليسيير من العمل ماشي - 00:22:16

وده المعنى يا شباب واما شكر الله تعالى افعال عباده فمجازاته ايهم عليهم وتصحيف ثوابها وثناوه بما انعم به عليهم. فهو المعطى والمثنوي سبحانه وتعالى. يعني هو سبحانه وتعالى اللي انعم على الانسان ابتداء - 00:22:36

وامر الانسان بشكره ووفقه للشكر فاذا شكر الانسان ذكره الله عز وجل فغفر له وضاعف آثار ثواب العمل وادخله الجنة ورحمه ومداعته بالنظر الى وجهه سبحانه وتعالى فده ايه ده - 00:22:59

يعني هو سبحانه وتعالى انعم عليك وقال لك اشكري ووفقك للشكر فلما تشكر تستعمل النعمة وتكل وتشرب كده وتقول الحمد لله الحمد لله وتستعمل النعمة في الطاعة ربنا سبحانه وتعالى يثيب الانسان يكافئ الانسان على الشكر ده. طب ما هو اللي وفقك للشكر - 00:23:27

يعني هو انت شكرت هو انت شكرت عشان انت شاطر وهو سبحانه وتعالى هو الذي وفق الانسان لشكره ومع ذلك يعطي الثواب قال والشكور من اسمائه سبحانه وتعالى بهذا المعنى والله اعلم - 00:23:50

فقالوا كيف يكون الشكر ازاى بقى الشكر ده قال يكون بالقلب وباللسان والجوارح شكر القلب يكون بتقدير النعم والرضا بها وعدم انكارها وجودها ومعرفة حق المنعم في قلب شاكر قلب شاكر - 00:24:07

قلب الشاكر ده ايه اللي هو شايف النعمة معترض بالنعمة راضي بها لا ينكر ولا يجحد معرفة حق المنعم والتسليم بأنه مولاه ان النعمة دي الله سبحانه وتعالى هو الذي انعم علي بها. هو مولى هذه النعمة - 00:24:29

وانها انما اجريت بفضله ومحض كرمه وجوده طب شكر اللسان يكون بالتلفظ بشكر الله عز وجل على النعم. عز وجل على النعم ما ظهر منها وما بطن. يبقى في شكر بالقلب - 00:24:51

وشكري باللسان وشكري بالجوارح. اعملوا آل داود شكرنا يكون بالقيام لله شكر الجوارح يكون بالقيام لله تعالى بالطاعات والقربات يبقى يبقى شكر القلب شكر القلب انا اه احمد ربنا على النعم - 00:25:09

وباللسان اذكر ربنا سبحانه وتعالى واثني عليه وبالجوارح ان انا اعمل العبادة طب لو واحد بيشكر بقلبه وب Lansane ما بيعملش ما شكرش يعني الحجاب والتستر والخشمة والعلفة والصلوة على وقتها وبر الوالدين ده شكر - 00:25:28

ده شكر لله ان اشكري ولوالديك الي المصير ووصينا الانسان بوالديه حملته امه وهنا على وهن وفصالة في عامين ان اشكري لي ولوالديك الي المصير يعني من شكر الله سبحانه وتعالى الاحسان - 00:25:51

الي الوالدين تكر الوالدين فقال وشكرا الجوارح يكون بالقيام لله تعالى بالطاعات والقربات من صلاة وصيام وحج وصدقة وغير ذلك ويكون ايضا بعدم استخدام النعمة في معصية الله لأن ذلك من كفرها - 00:26:11

ركز في المعنى ده يعني من الشكر ان انت ما تستعملش النعمة في المعصية يعني ربنا سبحانه وتعالى انعم عليك مسلا بنعمة الجمال

والصورة الحسنة والهيئة الجميلة والمال يكون جزاء الاحسان والنعمة - 00:26:38

ان انا استعمل جمال النعم اللي ربنا سبحانه وتعالى انعم علي بها والمال ان انا افتن به الناس يعني ربنا اداني نعمة الجمال واداني مال الفلوس دي اشتري بيها لبس - 00:26:59

حرام يعني لا يرضي الله عز وجل يظهر المفاتن وان انا اتزين بالمال ده واستعمل الجمال والمال النعم اللي ربنا سبحانه وتعالى انعم على بها استعمل النعم دي في معصية الله عز وجل - 00:27:14

وفي فتنة الرجال وابداء الزينة فيبقى الاصل ان الزينة دي ايه؟ نعمة اصل ان الزنا دي نعمة فما استعملهاش في المعصية اه تخرج في في المكان المناسب يعني الزينة تطلع في الطريق الحال - 00:27:32

اه تكون اه تتزين لزوجها وتساب على ده شوف سبحان الله يعني شوف نفس الحاجة ممكناً انسان تكون سبب لدخوله الجنة وممكن تكون سبب لدخوله النار والعياذ بالله يعني هو هو نفس المال - 00:27:53

او الزينة مسلاً تتزين لزوجها وتحتسب نية صالحة فتثاب وتأخذ حسنات على التزيين والتجمل ونفس العمل بالزبط الزينة تتزين للرجال الاجانب. وهي نازلة الشغل وهي نازلة الجامعة وهي ماشية في الشارع. وخارجة متغيرة - 00:28:14

وابسة لبس اه ديق ويزهر مفاتن وعاملة شعرها وعاملة عينيها وعاملة مش عارف ايه نفس الزينة اهي نفس العمل ولكن طول ما هي ماشية عداد السينات شغال يبقى ده هل ده من الشكر من شكر النعمة - 00:28:37

لا ده مش من شكر النعمة مش من شكر النعمة ده من الجحود من جحود نعمة الله عز وجل ومن استعمال النعمة في المعصية فقالوا ان من الشكر عدم استخدام النعمة في معصية الله - 00:28:54

لان ذلك من كفرها يعني اللي استعملت الجمال في آآآ التبرج والتزيين والتعطر امام الرجال الاجانب وفتنة المسلمين يبقى هنا هي كفرة نعمة الله عز وجل قال ابن كثير رحمه الله - 00:29:10

عند تفسير قوله تعالى اعملوا آل داود شكرنا. قال الشكر يكون بالفعل كما يكون بالقول والنية. يبقى الفعل والقول والنية اللي هو القلب كما قال الشاعر افادتكم النعماء مني ثلاثة يدي ولسانني والضمير المحجبة - 00:29:31

اليد واللسان العمل يعني بالجوارح اليدين واللسان والضمير يعني القلب قال ابو عبد الرحمن الجبلي الصلاة شكر والصوم شكر وكل خير ت عمله لله عز وجل شكر وافضل الشكر الحمد وقال محمد بن كعب القرشي - 00:29:54

القرشي قال الشكر تقوى الله تعالى والعمل الصالح شكر تقوى الله تعالى والعمل الصالح. طيب ان شاء الله نقف عند هذا الحد آآآ هذا وصلى الله على نبينا محمد وعلى الله وصحبه وسلم والحمد لله رب العالمين - 00:30:22